

Franza, et à otenuto dal re il suo stato, zoè per capitoli tra Franza e Spagna. È dona bella et savia et zovene, ma più perfeto ajere; ha in compagnia con si persone assa'. Or questa matina fo a la Signoria, in colegio, acompagnata da alcuni patricij nostri, et si ricomandò al principe; ritorna in reame. Et partito il conte di Pitiano di chaxa dil marchese, lei vene a starvi; et fo a veder le zoje e tutto quel si pol veder.

Da poi disnar fo consejo di X. Fo dato la scrivania di li auditori nuovi, per anni 8, in loco di Piero di Vielmi, a Zuan Piero Stella. *Item*, feno capi di X per septembrio: sier Piero Liom, sier Zacaria Con- tarini, el cavalier, et sier Francesco di Garzoni.

66* *Sumario di avisi auti zercha sguizari, di letere di 23 agosto 1507, date in Augusta, di sier Vincenzo Querini, doctor, orator nostro.*

Lucera, terra de' sguizari, che è uno prncipal canton de' sguizari, tien con Franza.

Zoch et Zultorno senteno con Franza, et *similiter* Frayburg.

Pensionati da Franza in li diti cantoni.

A Lucera è uno Piero Fer et un altro Bremberg.

A Zoch uno, nominato Amestener.

A Sultorno uno Nicolò Corater.

A Frayburg, Piero Mafrosini, cavalier, et Nicolò S.° (Savio?). Questi sono homeni ingeniosi e di autorità tra quelli popoli.

67 *Sumario di letere dil secretario di la regina, fo moglie di re Fedrico da Napoli, qual è in Alemagna, drizate al signor conte di Pitiano, a dì . . . avosto 1507.*

	cavali	fanti
Li signori, comunitate, vescovi et altri stadi de Alemagna fanno promessa al serenissimo re di romani, per la sua venuta in Italia, e andar poi a Roma a inco- ronarsi, de	4,000	14,000
Re de Hongaria, stratioti	1,000
El dito re, per la corona di Boemia,	1,000
Re de Dacia, Noverchia, Svelen,	1,000
Terre del mar germanicho, ditti Osterlingi, et li Resi,	1,500	2,000
Austria, Caryntia et Tremiza,	3,000	2,000
Sguizari con Svevia,	500	1,000
Summa,	12,000	18,500 (?)

Item, con altri non nominadi, el ciede a la summa de cavali 15,000, fanti 40 milia senza artelarie, cariazi, cavali da soma. Oltra questo numero ordenario sono certo cavali numero infinito per il forzo di signori alemani; et vien im persona esso serenissimo re a la insidia de Franza.

Bergognoni, per romper guerra in quelle parte, per la fantaria danno raynes 10,000; et per cavali 2,000 raynes 9,000.

Fiamengo, Brenenzosi, Olanda e Zilanda e altri lochi, cavali 6,000, fanti 1,000; li sguizari restano in quelle parte per romper guerra.

El ducha di Lorena, el marchexe de Balen, el marchexe de Lucubergas rompeno in quelle confine de Spagna a requisition dil re di romani, in loco de suo nepote ducha Carlo re de Chastiglia.

Le noze del re de Ingaltera con madama Malgarita, fiola dil re di romani, fonno facte a requisition che lui rompa al re di Franza im Bertagna.

L' andata proxima di ditto serenissimo re si dreza prima a Milano, per trovar il re di Franza; di la qual andata el modo, al tempo e via e virtualia, de fora se ne trata. Vedrassi cosse grandissime *de brevi*, et intenderassi esser *rex regum et dominus dominantium*.

La venuta serà; et debasse trovare el di de San Gallo in Augusta, a despiegare stendardi imperiali non più visti molti anni fa, et verà a Costanza dove se fa la massa.

Electori imperiali.

El vescovo de Maganza, canzeliero di lo imperio in tuta la Italia.

El vescovo de Trevirensen, canzeliero de l' imperio in tuta la Alemagna.

El vescovo de Cologna, canzeliero de l' imperio in tuta la Franza.

El ducha Federicho de Sanxonia, sescalcho de l' imperio in Italia et Alemagna.

El conte palatino porta el pomo, come

El marchexe de Brandiburg porta el stendardo di lo imperio.

El re di Boemia, ch' è sopra ogniuno in caxo di discordia.

Questi sono quelli che son trovati a sentare a la sedia imperiale, a la dieta facta in la città de Costanza 1507.

El vescovo de Treverense.

El vescovo de Maganza.

El ducha Federico di Sanxonia.